

IDcoin տրամադրման և օգտագործման կանոններ

1. Հասկացություններ.

1. ID Group – «Այդի Բանկ» ՓԲԸ-ն, «Իդրամ» ՍՊԸ-ն, «ID pay» հարթակը սպասարկող ընկերությունը (“Универсальные платежные технологии” ՍՊԸ), Idplus լոյալության հարթակը սպասարկող ընկերությունը («Քլաբ Սիքսթին ԷյԷմ» ՓԲԸ-ն) և ID Group-ի կազմում ներառվող այլ ընկերությունները առանձին առանձին կամ միասին:
2. IDcoin - Լոյալության միավորներ, որոնք տրամադրվում են ID Group-ի կողմից Idplus լոյալության հարթակի միջոցով: IDcoin-ը ID Group-ի հավատարմության ծրագրի մի մասն է կազմում և կարող է տրամադրվել ինչպես ID Group-ի բոլոր ընկերությունների կողմից միասին, այնպես էլ յուրաքանչյուրի կողմից՝ առանձին:
3. Հաճախորդ - ID Group-ում ընդգրկված ընկերության հաճախորդ հանդիսացող ֆիզիկական անձ, ում ID Group-ի կողմից տրամադրվել է IDcoin:
4. Օգտատեր (user) – ֆիզիկական անձ, որը Idplus կամ Idram&IDBank հավելվածները գործածելու միջոցով տնօրինում և/կամ օգտագործում է IDcoin-ը:
5. Idplus լոյալության հարթակ – բջջային հավելված, որտեղ հասանելի են լոյալության հարթակի բոլոր ծառայությունները՝ այդ թվում IDcoin-ը:
6. Գործընկեր – «Իդրամ» ՍՊԸ հետ համագործակցող ընկերություն, որտեղ առկա է Idram QR վճարման հնարավորություն:
7. Կանոններ –IDcoin-ի տրամադրման և օգտագործման սույն կանոնները:

2. Ընդհանուր նկարագրություն.

8. IDcoin կարող է տրամադրվել ID Group-ի անդամ ընկերության կողմից կազմակերպվող արշավների շրջանակներում, հավատարմության ծրագրերի, հատուկ պայմանների կատարման արդյունքում, այնպես էլ առանց պայմանների՝ առանձին դեպքերում: IDcoin ստանալու վերաբերյալ արշավների և/կամ հատուկ պայմանների առկայության դեպքում վերջիններս ենթակա են հրապարակման ID Group-ի համապատասխան ընկերության պաշտոնական կայքէջում:
9. Յուրաքանչյուր IDcoin-ը համարժեք է 1 հայկական դրամին (օրինակ՝ 4 800 IDcoin-ը համարժեք է 4 800 ՀՀ դրամին):
10. IDcoin-ը ձևավորվում է Idplus լոյալության հարթակում՝ ID Group-ի անդամ ընկերության կողմից փոխանցում կատարելու միջոցով: Ընդ որում՝ յուրաքանչյուր նոր

փոխանցում, անկախ IDcoin ուղարկող ընկերությունից, գումարվում է նախորդին՝ Հաճախորդի մոտ ցուցադրելով IDcoin-ի հանրագումարը: Idplus հավելվածում պահպանվում է IDcoin-ի ստացման և օգտագործման ողջ պատմությունը:

11. IDcoin հնարավոր չէ ձեռք բերել/գնել Idplus լոյալության հարթակից:
12. Հաճախորդը IDcoin-ի օգտագործման համար պետք է դառնա Օգտատեր:
13. IDcoin-ի միջոցով հնարավոր է իրականացնել հետևյալ 2 տեսակի գործարքները՝
 - Գործընկեր ընկերությունում վճարման կատարում Idram&IDBank հավելվածի կամ Idplus լոյալության հարթակի միջոցով, եթե IDcoin-ի մնացորդը ամբողջությամբ բավարարում է վճարում կատարելու համար,
 - Գործընկեր ընկերությունում համակցված (կոմբո) վճարման կատարում Idram&IDBank հավելվածի կամ Idplus լոյալության հարթակի միջոցով, եթե IDcoin-ի մնացորդը չի բավարարում վճարում կատարելու համար, որի դեպքում Հաճախորդը կարող է չբավարարող մասը վճարել ինչպես Idram&IDBank հավելվածի միջոցով, այնպես էլ Idplus լոյալության հարթակում առկա բոնուսների, նվեր քարտերի միջոցով:
14. IDcoin-ի օգտագործումը ենթադրում է ՀՀ դրամով համարժեք գումարի փոխանցում Գործընկերոջը, որի արդյունքում Հաճախորդի IDcoin-ի մնացորդը համապատասխանաբար նվազեցվում է:
15. Հաճախորդը կարող է հրաժարվել կուտակված IDcoin-ի մնացորդից՝ դադարեցնելով հետագա կուտակումները՝ այդ մասին տեղեկացնելով Idplus լոյալության հարթակի կոնտակտային կենտրոնին:
16. IDcoin-ի տրամադրման համար օգտագործվում է բջջային հեռախոսահամարը, ընդ որում՝ ID Group-ի համապատասխան ընկերությունում մեկից ավելի գրանցված և գործող բջջային հեռախոսահամար ունենալու դեպքում առաջնահերթությունը տրվելու է գրանցված վերջին հեռախոսահամարին կամ Idram&IDBank հավելվածում գրանցված հեռախոսահամարին:
17. Հաճախորդի կողմից IDcoin-ով կատարված ցանկացած գործարքից՝ «Սպառողների իրավունքների պաշտպանության մասին» ՀՀ օրենքով նախատեսված կարգով ամբողջությամբ հրաժարվելու դեպքում Հաճախորդի IDcoin-ներն ամբողջությամբ վերադարձվում են:
18. Հաճախորդի կողմից IDcoin-ներով կատարված ցանկացած գործարքից՝ «Սպառողների իրավունքների պաշտպանության մասին» ՀՀ օրենքով նախատեսված կարգով մասնակի հրաժարվելու դեպքում հաշվի է առնվում վերադարձվող աղբյուրների հետևյալ առաջնահերթությունը՝
 - Idram դրամապանակ,
 - Բոնուսներ,
 - IDcoins,
 - Նվեր քարտեր:

3. IDcoin-ի օգտագործման և մնացորդի գրոյացման պայմանները.

19. IDcoin-ը օգտագործելու նպատակով Հաճախորդը պետք է ապահովի հետևյալ պայմանները.
- ա. Առաջին վճարումը պետք է կատարի IDcoin-ի առաջին հաշվեգրումից հետո 365 օրվա ընթացքում,
 - բ. Եթե առաջին վճարումը կատարելուց հետո Հաճախորդի IDcoin-ներն ամբողջությամբ չեն օգտագործվում, ապա յուրաքանչյուր հաջորդ վճարումը Հաճախորդը պետք է կատարի IDcoin-ի օգտագործմամբ վերջին վճարումից հետո 365 օրվա ընթացքում:
20. Նշված պայմանների չկատարումը հանգեցնում է IDcoin-ի մնացորդի ամբողջական գրոյացմանը:
21. Օգտատիրոջ կողմից IDcoin-ի առաջին անգամ օգտագործումը հավաստում է, որ Օգտատերը ծանոթացել է սույն Կանոններին, համաձայն է դրանց և ընդունում է դրանք:

4. Իրավունքներ և պարտականություններ.

22. Հաճախորդը իրավունք ունի՝
- Տնօրինել IDcoin-ի մնացորդը՝ Գործընկերների մոտ վճարումներ կատարելու եղանակով,
 - Հրաժարվել IDcoin-ից,
 - Հարցերի և խնդիրների դեպքում դիմել Idplus լոյալության հարթակի կոնտակտային կենտրոնին,
 - Ստանալ տեղեկություններ կատարված գործարքների վերաբերյալ՝ Idplus լոյալության հարթակի IDcoin-ի Պատմություն բաժնից:
23. Հաճախորդը պարտավոր է՝
- Պահպանել սույն Կանոնները:
24. ID Group-ն իրավունք ունի՝
- Սահմանել պայմաններ IDcoin-ի հաշվարկման և տրամադրման վերաբերյալ,
 - Միակողմանի փոփոխել Կանոնները և կիրառել փոփոխությունն անմիջապես՝ պաշտոնական կայքում հրապարակելուց հետո, ինչի արդյունքում Հաճախորդը համարվում է պատշաճ իրազեկված:
 - Հրոյացնել IDcoin-ները սույն Կանոններով սահմանված պայմանները խախտելու դեպքում,
 - Դադարեցնել IDcoin-ների օգտագործման և տնօրինման իրավունքը՝ Հաճախորդի ցանկությամբ,

- Դադարեցնել IDcoin-ների օգտագործման և տնօրինման իրավունքը՝ Հաճախորդի կողմից ID Group-ի անդամ ընկերության վերաբերյալ վարկաբեկող տեղեկություններ տարածելու դեպքում:

25. IDGroup-ը պարտավոր է՝

- Ապահովել IDcoin-ով գործարքների անխափան կատարումը,
- Պահպանել IDcoin-ով գործարքների ընթացքում հայտնի դարձած տեղեկատվության գաղտնիությունը ՀՀ օրենսդրությամբ սահմանված կարգով՝ հաշվի առնելով Կանոններում նշված բացառությունները:

5. Համաձայնություններ.

26. Հաճախորդը համաձայնություն է տալիս, որ իրեն նույնականացնելու, որոշումներ ընդունելու, իրավունքներ ձեռք բերելու կամ իրավունքներ կամ արտոնություններ տրամադրելու կամ իրավունքները սահմանափակելու կամ զրկելու և այլ նպատակներով (ընդ որում՝ անձի վերաբերյալ տեղեկությունները ID Group-ը կարող է հավաքագրել իրավաչափ ցանկացած եղանակով, ինչպես անմիջապես իրենից, այնպես էլ՝ օրենքով չարգելված ցանկացած այլ աղբյուրներից) ID Group-ը կարող է մշակել, այդ թվում՝ հավաքագրել, ամրագրել, մուտքագրել, համակարգել, կազմակերպել, պահպանել, վերափոխել, վերականգնել, փոխանցել / ID Group անդամ ընկերություններին կամ քաղաքացիական այլ պայմանագրերի հիման վրա ծառայություններ մատուցող անձանց կամ կազմակերպություններին, ՀՀ և օտարերկրյա ֆինանսական կազմակերպություններին/, ուղղել, ուղեփակել, ոչնչացնել, օգտագործել, ինչպես նաև՝ դիմել ցանկացած պետական կամ տեղական ինքնակառավարման մարմնի, ինչպես նաև՝ տվյալներ մշակող ցանկացած անձի և ստանալ Հաճախորդի վերաբերյալ անհրաժեշտ, այդ թվում՝ «Անձնական տվյալների պաշտպանության մասին» ՀՀ օրենքով նախատեսված և պաշտպանվող տեղեկատվությունը:
27. Հաճախորդը համաձայնություն է տալիս, որ ID Group-ի անդամ ընկերությունները միմյանց տեղեկություններ փոխանցեն IDcoin-ի տրամադրման, ինչպես նաև դրանցով կատարված գործարքների վերաբերյալ: